

**Zeitschrift:** Annalas da la Societad Retorumantscha  
**Herausgeber:** Societad Retorumantscha  
**Band:** 5 (1890)

**Rubrik:** Poesias  
**Autor:** [s.n.]

#### Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

#### Conditions d'utilisation


L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

#### Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

**Download PDF:** 11.08.2025

**ETH-Bibliothek Zürich, E-Periodica, <https://www.e-periodica.ch>**



# Poesias.

## Sonetto per . . .

Lod grand, eir tuotta stima  
In ün prinzipel Signur  
La mia buochia bain exprima.  
L'ais sogiett da tuott' honur!  
Uoust savair chi chia quel ais?  
Sieu nom dvantarò palais.  
Tres custab prüm d'ogni lingia  
Resta informò co'l clingia.

In sa ten'ra guventüna  
Sia nöbl' extractiun  
S'ho bain observò adüna  
In sa conversatiun.  
Mo nun t' müragliet, chia'l vain  
Our d'ün Planta Castellan;  
Schi da Mamma Albertina,  
In la Punt chi eira Vschina.

Gniand da chesa nobilissima  
Nun ais sto difficulted.  
Our da quela ch' jllusstrisma

Renda el tres grand' bontet  
E la gratia del grand Dieu  
Guarda co'l vain benedieu  
E sco nöbla flur imprescha  
Nella chesa sia florescha.

Ell cur all ann quindaschevel  
Rivò fütt quintand eir metz  
Alhur sco Juvnet plaschaivel  
L'ais partieu davent da Zuotz  
Managiand da s'aplichier  
All servetzen militer,  
Giett per que cun cumpagnia  
Gio'n Hollanda in legria.

In Holland ho'l anns cinquanta  
Oters quater e metz comprais  
Remagnò servind con taunta  
Exattez' a quel paiais,  
Gnieu l'ais da Cadet sco stò  
In ün General müdò.  
O nun ais quaist grand fortüna  
Arived' a sia Persuna?

Nun ais cert favur humauna,  
Bain schi la favur da Dieu  
Ais quel metz e la fontauna,  
Tres il quel l'ais promovieu  
In quel stedi, aggiongand —  
Sco eau stim — sieu merit grand,  
Tres il quel el in Hollanda  
Aquisto ho gloria granda.

Dal conteng sieu, sco chi tuochia,  
E d'si animusitet  
Per nun partiela buochia  
L'vain lodo chia con vardet  
Ad Achille grand Guarre  
Nus pudains quell congualer,  
Taunt sia arma virtüusa  
Ais eir steda e prosperusa.

Stecken sü! tü est la prüma!  
Ramilier do ad incler,  
Audenarde pür exprima  
L'anim dad ün grad Guarer.  
Quaist vain fatt da Malplagnay,  
confirmo da Fontanay,  
Armantiere s'sottascriva,  
chia tel lod ad Ell ariva.

Da'l loder nun tascha brichia  
üna Flandra, con Brabant,  
eir il simil testifichia  
traunter oter ün Schottland;  
anim forte ho'l mossò,  
in che lö el ais me stò,  
taunt per meer cò eir per terra  
contra l'inimich fand guerra.

L'ais da pü sto in assedis,  
eir sto svess assedio,  
l'ho sentieu divers contredis,  
pür in vit ais conservò,  
giüdò ho'l eir divers lous  
rumpr e metter tuot in toucs,  
l'ho furtezzas giüdò prender,  
eir fortezzas bain defender.

Nun ais quaist grand miravaglia,  
in taunt privel d'esser sto?  
E pür our d'ogni bataglia  
Sia vita ho'l purto,  
Ses feridas ho'l hagieu  
da sieus inimichs arfschieu,  
mo mortela steda üngüna,  
l'ais guarieu bain da scodüna.

Stanz il Titul d'Excellenza  
mieu Signur nun voul patir,  
quell tenor convenienza  
ad el tuochia schi poass dir  
granda si hümltet ais

causa d' que sco sum persvas  
tres titulatura nouva  
con la veglia, chi que prova.

Na Signura Stimatissma  
tres directiun da Dieu  
da medema Illustrisma  
Chiesa sia ho'l survgnieu.  
Chia tel chiesa in splendor  
viva, giavüsch eau da cour,  
il grand Dieu la benedescha,  
ch' ella saimper belg florescha.

Florind quell in noassa terra  
l' havains vis et huoss' eir vzains  
divers rams da d' honur bgierra  
our da quella observains,  
quels prodüt Nöbels Giarzöls  
haun sco sun avaunt noass ölgs  
tuots quels vöglia eir il Segner  
in la sia favur mantegner.

Ell lung temp cun Sia Signura  
Illustrissma ho vivieu  
e con quella grand bon hura  
dal Suprem Dieu ho gudieu;  
in amur et chiaritet  
sco eir fè et pietet  
haun lur vita bain containa  
passanto, sco l' ais contschainta.

Mo sco tuotta alegretzchia  
da quaist muond soul bòd müder  
in dolur e grand tristezza  
e sensibla plaia fer,  
ho quaist noass Signur sentieu  
tuot con grand remaric sieu  
gniand privo da sia signura  
della chiessa directura.

L'ais ün ann ch' ella retrata  
gnitt davent da sieu conspett,  
mò memoria d' quella fatta  
ho'l d'amur et da raspet;  
l' Epitaph, ch' el ho fatt fer  
a quel fin t'amuossa cler;  
voust tü l'ler schi ais el spera  
quel della signura Sckèra.

Hoatz ais il vaing e cinquevel  
di d' October da quaist ann  
mille sett cent cinquantevel  
oters cing mis tiers eir vain.  
sün quaist di ho noass Signur  
bain complieu, in tuot honur  
d'sia etet l'ann setantevel  
alegrus et ventüraivel.

Stim per que dad' esser mia  
granda obligatiun,  
da fer qui cun allegria  
mia gratulatiun;  
a quel chi tres grand bontet  
da noass Dieu a tel etet  
rivo ais con desideri  
fatsch scò segue mieu auguri:

Il grand Dieu la Sia persuma  
degnia vöglia conserver,  
in sa grazcha eir adüna  
da tuot mel il perchürer;  
lungia vitta con sandet,  
d' ogni soart d' prosperitet,  
giavüscht chia tuot que l'ariva  
da l' Cèl et feliz ch' ell viva.

Sa presenza fich amabla  
lascha Dieu a nus giodair  
E la fatscha esser stabla  
a comön noass applaschair,  
in honur seo cha quel ais

grand a noass inter pajais  
a noass Zuotz et eir ad üna  
oth' e bassa Engiadina.

Nus la sia miaivlezza  
e la sia benignitet  
in que d' metz con contantezza  
a giodair gnins in vardet,  
da quel fich as alegrer  
vain e l' pover a s' consoler  
scha la vita in bon hura  
ad havair vain lungia d' mura.

Our da la collaterela  
lingia d' consanguinitet  
sia, vez' ell et nus quella  
gnida ais d' posteritet,  
sieu signur Nepot bain vair  
po scodün cun applaschair  
cò l'amabla sia presenza  
muossa taunt bell aparenza.

Quell ais huossa in Hollanda,  
Capitani tenent ais,  
la bonted del Segner granda  
fatscha quel rester defais  
da tuot mel e'l prosperer,  
chia el poassa läng d' murer  
qui cun la Signura nöbla  
sia cher et agreable.

Pro nepot et pro nepota  
prosperusas duos fluors  
Figloulaunzas da d' ells natta  
chi sum degnas da d' amuors;  
vöglia l' Segner benedir  
in tel möd ch' eau poassa dir:  
quels na solum oths noms poarten,  
mo eir lur virtüt els hearten.

Quaist seguieu our d'ignoranza  
ais, mò cert eir our d'respet  
hümil, tres la confidenza  
ch'eau he vers ün tel sogiett;  
tres ün A et tres ün S.  
declarer mieu nom pudess;  
mo a quaist schi m'sottaseriva,  
chia patrum mieu lung temp viva.

**Observazium.** Il Signur Generel G. B. Planta, naschieu a Zuoz ils 25 Oct. 1685 et mort a Begen op Zoom in Brabantia ils 11 Avrilg 1757, vivet la granda part da sia vitta in Hollanda. Siand da quel temp servivan fich bgers Engiadinais suot el in servezzen militari d'Hollanda, eira G. B. Planta ün hom fich contschaint et da granda influenza eir in Engiadina.

Il poët A. S. ais probabel il minister Andrea Schucan da Zuoz naschieu 1713 et mort 1758 sco minister da Zuoz.

Il manuscrit della poësia as rechatta nel posess del Sgr. P. P. a F., il quel ans permettet da la publicher.

Siand il manuscrit probabel üna copcha et na l'orignel, ans permettettans be pochas müdedas, inua eira evidentamaing üna errur del copist. Del rest publichains la poësia, sainza müder ne orthographia ne interpuncziums. Be ün custab, l'e lumg, l'ñ grec, non ans po bain der in stampa; per quel ho A. S. ün egien seng mez „a“ et mez „e“ scritt „a“ et „e“ ün nel oter, probabel il medem seng, per il quel Alphons Flugi scriva in sias publicaziums „ae“.

C. P.



## Las fantschellas da temp vegl e las fantschellas d' hoz in di!

D' temp vegl s' pò dir cha la fantschella  
Part d' la famiglia faiv' eir ella,  
Serviva tar'ls istess patruns  
Suvenz duos generaziuns,  
Vaiv' affeziun per els, amur,  
Faiv' eir d' strapatsch ogni lavur.  
Vaunch araindschs peja vaiv' il pü,  
Ma comandaiv' eir tuots pel pü  
Patruns, infaunts, famagl, praders,  
S' masdaiv' in chesa d' tuots affers,  
Faiv' la pëtrun' ün di l' gianter,  
Chattaiv' la mezz dal criticher.  
Sch' ün dals infaunts rumpaiv' ün plat  
D' ses parts' na predg' al gniva fat.  
Scha l' Sar patrun gniv' ün po tard  
D' Geremia V udiv' l' na part.  
Ils dis d' sas glünnas poi surtuot  
D' non rir, d' fer muk savaiva tuot.  
Ma chi' ls patruns' vess criticho  
D' gnir ars viy, 'vess' la condanno!  
E' ls dis d' algrezch' e' ls dis d' fadias  
Dalla famigl' eiran eir sieus.  
Per els lavur, larmas, sorir  
Tar els giavüsch d' podair murir!

Uoss' lavurand pü d' na fantschella  
Pêra giover a chapütschella.  
In testa haun bë l' Grand Affêr  
S' fer bellas, spert as marider.  
Lönch in ün post bain pochas staun  
Intuorn St. Gian, zieva bümaun  
Arfschieus'ls regalls dal prüm di d' ann,  
Aunz la „Saison“ as lasch' n in plan.  
D' pü d' üna poi condiziuns  
Cha rir eir paun 'ls pouvers patruns:

D'ir a servir nun' vess bsögn brich,  
Vains chêts e fuonz, ün barba rich!  
E vegn bè güst a condiziun  
Cha da manger saj' bel e bun,  
Salziz ù charn, eir vin da tschaina  
Non hegia mè d'truscher cun laina.  
M'masder nè d'ovas, nè d'cuschina  
Neir m'scravuner cun fös in pigna,  
Surtuot nun vegn scha haun infaunts  
Laver l'inviern m'rovin' ils mauns.  
Bè d'sted, dis chods quint d'ir a bügl,  
Pel salv'onur nun fatsch pastrügl,  
In cuort e stalla nun pizz-aint  
(L'odur m'fess ir in svanimaint).  
Cha'l lat poi port in seneraj  
Il Sar patrun, ù bain l'famagl.  
Sü'l fuonz nun vegn, neir fer con-fain  
(D'solagl e vent spert nair as vain).  
Neir chaver üert, l'bagner, cercler  
(Cun mieu büst strett nun poss m'sgober).  
Nun port per via farinas, sachs,  
Stivêls e s-charpas nun nettaig.  
La bes-cha tuonder poi nun sè  
Sü'ls gniervs m'dò s-chagn è mulinè.  
Surtuot detest il laver-gio  
(Mauns gruogls, cotschnaints adünn' as hò).  
Mieu let, quels d'oters poi nun fatsch  
(Que ais melsaun ed eir strapatsch).

Vegn poi a tuots tramegls da sun  
Sainz' domander permissiun.  
Vö pign'in chambra, am vair chod.  
L'inviern las sèt, nun m'leiv pü bod.  
Ün' ur'am basta per m'pettner,  
Las sairas poi vö scriver, ler,  
Cusir per mè, surtuot d'fer am  
Lavuors cu'l cröch, u bain rechamm.  
Eir sè fer fluors, guarnir chappels  
(Mieus traïs hè fat e sun fich bels !

Cognuosch il chaunt, e sè parfin  
*Suner ün po il clavazin!*

Scha m'faun regals, monaid ù pans  
M'containt per peja d'duos tschient francs,  
A quaists pacts aintr a lur servezzan  
Uschiglö vegn a St. Murezzan.  
Nels grands hotels, gio Nairs, sül Bagn  
In trais mais lò dapü guadagn  
Chi l'ann intér tar tscherts privats  
Ils püss marmuogns, avars, ingrats  
Lò poss cun otras rir, fer spass.  
Ziev' la saison giains eir a spass  
Tuots in landauers sco'l Signuors  
Cun mantels, schalls, sü'l's chappels fluors  
Curants, curantas imitains,  
Ans fains servir, riains, chantains.  
E'ls „Kellners“ 'ns guardan bger pü fiss  
Eir ir müsteds, turnand s'hò vis!

E bain, a quaistas condiziuns  
Paun' vair l'onur d'ess'r mieus patruns.  
Ma l'prüm rimprover, bè'n trid sguard  
Fatsch aint mieu sach e dalum part!

Aunch' uoss' sco da temp vegl fantschellas sgür eir sun,  
Massêras pisserusas, models d'abnegaziun.  
Ma scha las „Bunas“ dvaintan pü râras ogni di,  
Sun fors'eir ün po cuolpa patrunz püss d'hoz in di??



# Las lavunzas in Engiadina e las lavunzas a Genova!

—

## Ün di d'alschiva in Engiadina!

*La cruschina!*

Bundi mattas, spert a maisa, güst promt ais, lest il caffè  
Tuot bugliaint l'hè fat fer uossa, scha l'ais bun allur'nun sè.  
Piglè tusa, bastards, micha, eir d'chasatscha, qui'craschaints.  
D'paun furmaint tuot frais-ch fe's flettas, vus Ursina' vais noschs daints,  
Chér'Ursetta mettè zücher, se cha'l vais gugent züchro,  
Chaschöl-grass, co'nd füss eir veider, quist dad Alp da l'ann passo,  
Aunch'ün po d'caffè vus Stina, alv ù nair cu vais gugent?  
Mett'ün schall, chéra Sussanna, fo fich fraid e tira vent!  
O piglè, o benedidas bè nu's fe uoss'invider,  
Sprauenza hè cha la rob'alva glivrans tuot aunz il gianter.

*La buchêda!*

Gni mas mattas „La buchêda“, quist vin-chod bavè il prüm  
Tiers patlaunas, co liangias, qui'da frais-ch, quistas da füm,  
Piglé tuorta, paun da Spagna, qui salziz quist cot, quel crüj.  
O fe's flettas d'paun e micha, painch, ladvergia, meil u süj,  
Tü Chatrina vin nun baivast, voust Iva, Parfett-Amur?  
Als craschaints, bastards e tusa, m'pera cha nun fais onur!  
A mez-di prezis o chéras gniss, nisch, l'gianter ais fat.  
Noss'alschiva m'péra buna; tuot bel alv güsta sco'l lat.  
O piglè, o benedidas complimaints allur'nun fè,  
Que valess propi la spaisa, per ün schnatt buchêd' uschè.

*Il gianter!*

Uossa chéras gni a maisa, l'ris brav cot sarò, chidann.  
Ais mez-di e quart bardaschas, pigle chaschöl parmisan,  
Co charn veidra, quista frais-cha, macaruns tiers fratemf d'vadé.  
O sagè mieu tatsch-in-pigna, d'spüra gramma fat al hè.  
Tü Chatrina, vin nun baivast, t'hè pinnéd'ün buchêl lat.  
Ma nun mangiast prop'ünguotta, saimper vöd hest lò tieu plat!  
Piglè rost, erdorfels, zwezsquas, per dessert ün töch „Gleich-schwer“.

Tiers' na crêm alla vaniglia, l' caffè nair vegn spert a fer,  
O piglè, o benedidas, complimaints poi laschè d' vart,  
Que nun pêra, dis d' alschiva m' tuoch' a fer ma buna part !

*La marendas!*

O plazzès uoss' spert a maisa, nischi l' bügl 'vais bain lavô,  
Ziev' marendas la stüvetta, chadafö lavais ün po !  
Co fe's flettes cun puina, hè piglio trais dal taschin,  
Sagè güsta ma fuatscha, quist „Zwibak“ cot nel fuornin !  
Als craschaints, bastards e tusa, quels pouvrets onur nu'l fais,  
Pür vaross'na brava bligna, hò gia d' lönc battieu las trais.  
Tü Chatrina, tü nun mangiast niencha taunt ch' ün canarin,  
Vivast bé d'amur d' ajer, est sgür spusa cun Gianin !  
O piglè, o benedidas, complimaints nun poss ster-our,  
La chüdera dad alschiva, nun schmanc'hè da laver our !

*La tschainas!*

Spert a tschainas, pouvras mattas, tuot vanzöts bè dal gianter,  
Memma brêvas essas proppi, vais lavò parfin l'sulèr,  
Co rost fraid, dschambun, sardellas, co d' Bologna füss salam,  
Cun övs dürs füss qui' salatta, podais' vair' na brava famm.  
Tü Chatrina vin nun baivast, voust giansauna, Kirsch ù Rhum ?  
Cu'l manger sgür nu'l rovinast, almein d' que po'l as tgnair bun.  
O piglè fuatscha, tusa, paun da Spagna e craschaints,  
Vus Ursina, vus Ursetta piglé'nd duos per voss infaunts ;  
O piglè, o benedidas, complimaints eau nun poss vair.  
Tuot bain net, schi tuot in uorden, sun containta, bun ans vair !

*Ursetta a Stina, giand a chesa :*

Da manger pü chi avuonda, que s'pò dir allur' per sgür.  
Ma nischi, il tatsch in pigna, pü tost meger, memma dür,  
Mited painch, e mited sundscha la fuatscha e'ls craschaints !  
Que chi do poi sün la gnierva, quists invids, quists complimaints.  
E poi dit bè traunter nussas, propi fin na niench' ün tratt,  
Sco chi s'mangia tar tschert' ünnas, prop' ünguotta d'delicat.  
Hêr'vains gieu tar duona Nina, peschs, pulasters, buochs cun vin,  
Tiers lat-mielch vasclinas vödas, e cun mandels ün budin !

*Stina:*

Nus hèr tar duon' Ursulina, Bifteks, Bratwurst, testa d' vdè  
Gelatina bavaroisa, mez vanigl' e mez caffè !

*Ursetta:*

Ma sco dit, mangio avuonda' vains eir hoz, e tuot bain cot.  
Sto bain Stin'in maun da Dieu, dorma bain, e buna not!



## Las Lavunzas a Genova !

Ls' greivs paquets d' alschiva portan bè sün cho da bain lontaun,  
S' levan bod e faun cruschina allas nouv dalla damaun.  
Ün töch paun tiers ün po frütta, u duos souds, Piäs, Fajna,  
U chaschöl pel-pü scadente, ù' na vasela Bacala !  
Fin las quatter allur pluntan sün l' alschiva cu'l bastun,  
Allur giaintan quasi saimper, bè cun paun e'l Minestrùn !  
E tuottüna sun containtas, sch'eir d'buns traits nun faun abüs.  
(Docter Tanner ans do prova, cha'l manger saj' bè'n adüs.)  
E tuottüna rian, chauntan, dal batagl daun brav surtuot.  
Bger l' batagl a bügl poi drovan, quia, tar nus, s' po dir partuot !



## Botta e rasposta.

(*Dialect da Baiva.*)

Üna saira da clärgliögna  
Aint vers Baiva niva flott  
'N araschlitta cun 'na brögna  
Cun sö dûes an grond capott;  
Era taimp stupend d'anviern,  
Ma fradaia dall'anfiern.

E rivès aint a Cazet  
Fonn'la brögna els fermér:  
L'ustaréa dal Plachet  
Ho bugn vegn pels risturér,  
Vegn ci scalda, vegn ci pizia,  
Vegn ci desda la malizia.

Diplomats, grischugns surtot,  
Enn'suvent da spass e skêrs;  
Tel al dûes an grond capott  
Vicar Planta e Graf Travêrs:  
Quintan bler d'interessant  
Cun umor significant.

Els enn 'oz da bugn-a vüglia  
Plai surtot al minciunér,  
Fonn' balér dal rir la büglia  
L'ögn e l'èter cun pizièr.  
Els conoschen tots dal lütg  
Quindi sonn' andú fer fütg.

Aintra giüsta söl pü bêl  
Aint an stüva al Turiagn;  
El as pea giò'l cipêl,  
Als salüda e dat la magn.  
Aha! painsa Vicar Planta,  
Co'na dose vot picanta.

Oz fo baign al chèd da pegna,  
Dir cumainza al Turiagn,  
Els, Signurs, honn' la pêl fegna,  
Cêrt honn'gia ün fraid da ciagn.

Vainza ün taimp stupend d'anviern,  
Ma fradaia dall'anfiern.

Schi, dei Planta, fraid avonda  
Es da vossa fuercia in aint;  
Aia saint fraidaia gronda  
'Sper las fürcias specialmaint.

Fraid da fuercia, dei Travêrs,  
Nianc'an stüva vo bitg pêrs.

La malizia ün po zupéda  
L'ho capida al Turiagn;  
Staign picanta è la snaséda,  
Ma's dimosa da spiert sagn.

El accetta al trunf partia,  
Trunfa er el da banda sia.

Dschem Signurs, per cêrt savais,  
Üna fuercia fonn'cun ci?  
Stante c'els guardêvan blais . . .  
Baign, schi nul savais santì:

Fonn'na fuercia mai divêrs,  
Vot'na „Planta“ ed ün „Travêrs“.

*Rud. Lanz.*



## Il piz mezzaun, in meditaziuns d' utuon.

Eau sun nomno il piz mezzaun,  
Stun co fidel, vegl guardiaun  
Della bell' Engiadina !  
E chell' ais bella poss eau dir,  
Mia chera val. (tuot sto convgnir),  
Eau la contaimpl' adüna !

Bgers grands e pitschens frers co staun  
Intuorn, chi tuots la guardia faun,  
Ogn' ün sur sia contreda ;  
Ma sgür üngün as po vanter  
Sur ün pajais pompus da ster  
Sco mia verda valleda.

Cun gods e leihs — e pros ed èrs  
E taunts superbis, glüschaunts cluchers,  
Tuots con lur vschinaunchetta,  
Chi, imminch' üna prova do  
D' ün pövel, chi sduvler as so,  
Ama sia val diletta.

Eau poss imminchadi tadler  
Ils sains da taunts cluchers suner  
Damaun, mezdi e saira ;  
Eau vez las postas a passer  
E vez las scossas a's purter  
Sül munt e sün la faira.

Eau vzet darcho, a plaina sted  
Charozzas in gran quantited  
Con glieud zuond iffiteda,  
Chi d'ogni part del muond vain no,  
Sandet, dalet voul chatter co,  
Voul vair mia val ameda.

Eau vez il pur — e sün ils pros  
Con erv'e fluors vzet fer chanvos

E vzet mner aint la fneda;  
Eau vzet la mess a madürir  
E vez il verd uoss'a svanir,  
Uoss'ais la sted glivreda!

Ed uoss'üngün vain pü qui sü  
Ed eau bainbod stögl metter sü  
La fraid' alva chapütscha;  
Ed alva vaint mia val dvanter  
E saimpr'amabla vaint rester  
Fin cha l'inviern eir mütscha.

Schi posa bain — e prosperer  
In liberted ed in bainster  
Possast tü pür adüna!  
E saimperpü at fer amer,  
Ch'eau poss' adüna be chanter  
Tieus lods, mi 'Engiadina!

*Balaster.*



### Silvester nel' ester.

In sula stanza, sper ma glüm  
Eu sun sulet e — lei,  
E que ch'eu lei non sa üngün,  
Eu svess brich non l'inclei.

Perche meis spiert ais hoz distrat,  
Meis anim — alterà;  
Dalet üngün a qui eu chat,  
Meis cour ais — amalà.

Lontan dals meis, da meis comün,  
Da tot que chi'm ais char,  
Saint hoz pür vair' increschentün  
E no'm poss consolar.

Hoz ais silvester, fin del' ann,  
Hoz regn' algrezia — là,  
Amabel chant e sun del sain  
Nels munts strasunerà.

E giuvens, giuvnas ed infants  
Van tots as allegrar,  
Be homens vegls e las donnans  
A chasa soulan star.

Ün mangia, baiva, giov' e chant'  
Infin a mezza not.  
Bain d' profitar l' ultim momaint  
D' lann vegl — sgür tschercha tuot.

Eir qui fan feist' ils abitants  
Pro vin e baccalà,  
Interas rotschas van girand,  
Bragind per tot cità.

Qua saint eu pivas, tamburels,  
Sper flöttas e trombuns  
E vuschs scordadas, tuns pac bels,  
Il chant dels — Lazzaruns.

Pers, in quist fracasch enorm  
Meis cour non dvainta san;  
Eu vegn bainbod in let e — dorm  
E clam in söñ: — „Bun ann“!

„Bun ann amis in patria,  
„Bun ann collegas tuots,  
„Bun ann Grischuns — in corpore,  
„Bun ann vus munts e gods!“

Finalmaing pens — in ma suldüm:  
„Daman — che far cul di?“  
Allur' am va güst sü na glüm:  
„Tü vas a — Napo-li!“ —

*Christoffel Bardola.*



## La cura da Bombast.

Bombast as glorieva contin da seis progress,  
A sia fantasia, chi splendid tegna pass —  
Al art e la scienza, a forza e costüm,  
Sveltezza, energia, curadschi ed indschign.  
Pertot mossand prodezzas slargeiv' el seis raquint,  
Sco derivant da schlatta celebra — da talen!,  
Grandezza furbaria, bellezza, nobiltà,  
Richezza, nettaschïa, virtüd e probità.  
Usche, cha qui sün terra üngün con el fess peer,  
Sco mossan sas bravüras, sa glorgia e favlar,  
Ch' el si' il „Non plus ultra“ Bombast, chi tot po far.

Da quista vanaglorgia resteiv'il mond surprais,  
Talüns pero lodevan, per non s-chattar ofais,  
Siand, ch'el nel chaprizzi da sia passiun  
Sguanteiv'eir l'amizizia, — in grazia sa radschun.  
Perciò, fet ün la prova, da dir als genituors, —  
In spranza, cha quels vöglan curar pro dezaint poss. —  
Ma quant cha'l's seis chürevan, quists debels per guarir,  
Scunfleva la vaschia — nel cheu —, e'l gloriar  
A saimper s'augmenteva, usche ch'el sco'n minchun  
Sur tot que ch'el vezzeva, proveva — qua bravun. —

Ün di per disfortüna rivet in quel comün  
Ün hom, chi fand „las forzas“ tschercheva seis sostegn;  
Fand vair qua tanter oter — il genio del uman —  
„Il batter con la massa nel styl american“ —.  
Con ün crappun in groppa, s'metteiv' el qua suspais,  
Fand batter a grand forza — per trar ün fier distais —  
Sün quel con üna massa, infin cha tras ils cloes  
Il grand crappun s'disfeva, crodant in milli tocs.

Ach quista forz' ais bella, penset Bombast subit,  
Il grand dominn'il pitschen; schi schi, cu he inclet.  
Il grand crappun rimbalza la massa inavo,  
Ch'ün quasi non ressainta, ün cuolp da sur ingio —.  
E spert per far la prova pro seis cumpar cuorrit  
Clammand: „Cumpar ve oura, nus v'lain provar subit;

Tü franc ést con la massa, sco mezgier da manster,  
Perciò, pür da con forza, — be guard' e non falar. —  
Quist blocc tegn sün la teista, sco' vess eu ün chapè  
E tü sün quel pür schlaffa, con massa u martè;  
Il grand bloccun rimbalza la massa inavo —  
Usche, ch'ün non ressainta, teis cuolp da sur ingio.“  
Ma stant quel non volleiva, dschet el sün que subit:  
„Il grand domin il pitschen, — pür da cumpar pulit.“  
E spert in positura — co'l blocc el as postet  
E'l mezgier con la massa sün quel sco dit schlaffet,  
Ch'el co'l prüm tun a terra crodet — e füt stuorni. —

E v'zand poi segns da vitta, dschet quel — bain aveli —  
„Scha ruot ais la vaschiä, schi l'hom uoss' ais guari.“

*C. Bardola.*

